

Vuk'uzenzele

Produced by: Government Communication & Information System (GCIS)

English/Sepedi

Photo Kgatišo 2





GBVF's lifelong effects on children

Page 5


Banyana Banyana inspires future soccer stars

Page 16



JOBS INSIDE:

Dr Nndanganeni explores the galaxy



■ Dr Rendani Nndanganeni loves researching the impact of radiation on aviation.

More Matshediso

Nearly 10 years of tertiary study and a passion for physical science earned Dr Rendani Nndanganeni (33) her dream job as a space science researcher at the South African National Space Agency (SANSA).

SANSA is a government agency that reports to the Department of Science and Technology, and is part of the worldwide network of space weather centres and magnetic observatories. It plays an important part in monitoring the near-Earth space environment.

In simple terms, the agency works mainly with satellites.

After completing matric in rural Limpopo, Dr Nndanganeni's decade of tertiary

• Cont. on Page 2



ALSO AVAILABLE ON:





@VukuzenzeleNews

Vuk'uzenzele

National Orders nomination information inside.



FREE COPY NOT FOR SALE

Ditlamorago tša bophelo ka moka tša GBVF baneng

GBVF E KA AMA GAMPE maphelo a ngwana mo mmeleng, mo kgolong le mo tshabologong.



Allison Cooper

Bana ba go gola ka lapeng la go ba le Dikgaruru tša Bong le Polao ya Basadi (GBVF) gantši ba ikwa ba se na kholofelo.

Tše ke go ya ka Ngaka Dudu Ngubeni, ngaka ya dikgobalo tša mošomong ka Kgorong ya Maphelo ya Gauteng, yo a kgonthišitšego gore mehuta ka moka ya GBVF ke go gatakela ditokelo tša bana.

GBVF ke bošoro bja go hlasele motho goba dihlopha, go ya ka go fapana ga tšona go ya ka bong. "GBVF ke nnete ya go nyamiša lefaseng ka bophara gomme e gona mo Afrika Borwa," a realo Ngaka Ngubeni.

"Nagana gore go katwa le go bethwa go dira eng mo ngwaneng. Godimo ga dikgobadi tša mmele le mathata a maikutlo le a monagano seba-ka se setelele ao a ka hlolago gore motho a ipolaye, go na gape le mathata a leago, bogoboga le go se amogelwe," a tlaleletša.

Ditlamorago tša bophelo ka moka

Kamo ya GBVF e a fapana go ya ka dintlha tša go fapana, bjalo ka tlhago, lekgetlo le bogolo bja tlaišo. Dilo tša go hlola kgatelelo ya monagano

tše dingwe ka lapeng, bjalo ka motswadi wa go fokola ka hlogong goba wa go ba le mathata a tirišompe ya diokobatši, di ka gakatša kamego.

GBVF e ka ba ya go hlabjwa ka mantšu, go kwešwa bohloko mmeleng, go katwa goba go bogišwa mo monaganong.

"Bana ba kotsing ye kgolo ya mathata a maikutlo le maitshwaro, go sa ye le gore ba be ba tlaišwa thwii goba aowa," a realo Ngaka Ngubeni.

"Ke nnete ye e ngwadilwego ya gore banna, ka kakaretšo, ba na le maatla le go laola basadi le bana, gomme gantši ba šomiša bošoro. GBVF e tima bana tikologo ya go ba kgontšha go hlabolla bokgoni bja bona ka botlalo. Ba ka tlwaela tlhorišo gomme ba ithuta go bona tirišo ya bošoro e le mokgwa wa semolao wa go fihlelela maikemišetšo a bona," a tlaleletša.

Bana ba bannyane ba go bona goba go itemogela GBVF ba ka laetša tlalelo le bofiaga bjo bontši, kgatelelokogolo ya monagano; go se sa rata seko- lo, bagwera goba dilo tše dingwe tše ba bego ba ipshina ka tšona pele; mathata a boroko go akaretšwa le ditoro tša go tšhoša goba go rotela malao; bogale bjo bontši; pefelo goba phetogo tumong ya dijo.

Bana ba bagolwane ba laetša kamego ka tsela ye e fapane-

go. Bašemane ba laetša kgatelelo ya bona ka ntle, ka go ba bogale; ba rarolla mathata ka ntwaga; goba ba diriša dinotagi goba diokobatši, go thibela maitemogelo a go se be botse le digopotšo.

Basetsana gantši ba swara kgatelelo ya bona ka gare.

Ba ka ngala, ba ba le pelaelo goba kgatelelokogolo ya monagano; ba se je gabotse goba ba ikgobatša ka go ithipa goba go diriša dinotagi goba diokobatši.

"GBVF e tima bana tikologo ya go ba kgontšha go hlabolla bokgoni bja bona ka botlalo."

Gantši, kamo ya GBVF baneng e tšea sebaka se setelele morago ga tlaišo. Bjalo ka batho ba bagolo, bana ba go na le kgonagalo ye kgolo kudu ya gore ba ka ikhwetša ba le ka gare ga ditswalano tša go ba le tlaišo. "Dithuto di laeditše gore bana ba go itemogela GBVF ba ka gola ba dumela go gose lekalekane go ya ka maatla, ditswalanong tša batho le setšhabeng. Gomme

ba tšweletša leswa popego ya go kgontšha GBVF," Ngaka Ngubeni a hlaloša.

Bana ge ba gola e ka ba bona badiri ba GBVF

Siliziwe Mbambo, modirela-leago wa tšhireletšo ya bana go tšwa Lefelong la Bana le Basadi la Saartjie Baartman (SBCWC), o dumelelana le se. "Morago mo bophelong, ngwana e ka ba modiri wa GBVF goba a diriša diokobatši," o boletše bjalo.

SBCWC e šogana le melato ye meswa ya GBVF letšatši ka letšatši. "Bana ba bantši ba amega goba ga ba amiwe thwii ke GBVF, gomme seo se ba bea kotsing ye kgolo.

Lefelo le le lemogile palo ye e golago ya batho ba ba hlokago thušo gomme e le ka lebaka la GBVF," a realo Mbambo.

Molatong o mongwe, ngwana o be a nyaka go ipolaya ka lebaka la go hloka thekgo ya batswadi, lerato le go elwa hloko. "Batswadi ba be ba e ba le dintwa tša diatla le tša polelo gantši, mo pele ga ngwana.

Ka lebaka la se, ngwana o ile a lahlegelwa ke lerato la go ya sekolong le la dinepišo tša bokamoso," a realo Mbambo.

Bana ba rata go kopisa maitshwaro. Bašemane ba ithuta go botatago bona go šorofalela basadi. Basetsana

ba ithuta go bommago bona gore ntwaga e lokile gomme ba swanetše go phela ka gare ga yona. Efela, gase bana bohle bao ba boeletšago paterone yeo. Ba bantši ba leka gore ba se dire diphošo tša go swana le tša batswadi ba bona.

Bana ba banyane le bana ba go tšwa mahlagading bao ba ikhwetšago ba le ka gare ga ditiragalo tša GBVF ba swanetše go lekolwa ke moprofešenale wa maphelo a tša hlogo yo a hlahlilwego.

Kalafo e ka akaretša theraphi, gomme ka dinako tše dingwe, dihlaro di ka thuša. Motswadi wa gose tlaiše goba moabahlokomelo le yena o hloka thekgo. ■

Go hwetša tshedimošo ka botlalo ka go hwetša thušo ya bana ba go amiwa ke GBVF, leletša mogala wa thušo wa mahala wa Lefelo la Taolo la GBV go 0800 428 428 goba tobetša *120*7867# sellathekeng sa gago go kgopela modirela-leago gore a go leletše. O ka ikgokaganya gape le Mogala wa Thušo wa Phetšišo ya GBV go: 0800 150 150 goba SBCWC go: 021 633 5287.